



ԻՆՖՈՐՄԱՑԻԱՅԻ ԱԶԱՏՈՒԹՅԱՆ ԿԵՆՏՐՈՆ ՀԿ
ՀՀ, ք. Երևան, Բուզանդի 1/3, 4-րդ հարկ
Հեռ. 56 03 60, Էլ. huugte foi@foi.am
FREEDOM OF INFORMATION CENTER NGO
1/3 Buzand street, 4th floor, Yerevan, RA

10.04.2013թ.
198-ի 1

ՀՀ բնապահպանության նախարար
պարոն Արամ Հարությունյանին

Տեղեկատվություն ստանալու կրկնակի հարցում

Հարգելի պարոն Հարությունյան,

Ինֆորմացիայի ազատության կենտրոնը 2013թ.-ի հունվարի 26-ին տեղեկություն ստանալու գրավոր հարցմամբ դիմել է ՀՀ բնապահպանության նախարարությանը եւ խնդրել է տրամադրել հետեւյալ տեղեկությունները.

1. Ստացել են արդյոք պարզեւատրումներ (պարզեւավճարներ, նվերներ) ՀՀ բնապահպանության նախարարության աշխատակիցները 2012թ.-ին,
2. Եթե այո, ապա ըստ հաստիքների ովքե՞ր են պարզեւատրվել եւ ինչքա՞ն գումարով (ի՞նչ նվերով),
3. Որքա՞ն է կազմել ՀՀ բնապահպանության նախարարության աշխատակիցների ստացած դրամական պարզեւատրումների ընդհանուր գումարը,
4. Ընդհանուր քանի՞ աշխատակից է պարզեւատրում ստացել:

Նախարարությունը ԻԱԿ-ի հարցմանը տրամադրել է թերի պատասխան: Պատասխանը համարվել է թերի, քանի որ նախարարությունը չի հայտնել, թե ըստ հաստիքների ովքե՞ր են պարզեւատրվել եւ ինչքա՞ն գումարով (ի՞նչ նվերով)՝ 2-րդ հարցի պատասխանը: Նշենք, որ ԻԱԿ-ը խնդրել է նախարարության աշխատակիցների ստացած պարզեւատրումների չափի մասին տեղեկություններ ըստ հաստիքների, այլ ոչ անվանական:

Ելնելով վերոգրյալից եւ ղեկավարվելով ՀՀ Սահմանադրության 27 և 27.1 հոդվածների և “Տեղեկատվության ազատության մասին” ՀՀ օրենքի 6-րդ հոդվածի դրույթներով՝ եւս մեկ անգամ խնդրում ենք տրամադրել բաց թողնված վերոնշյալ տեղեկությունները (հարցման 2-րդ հարցի պատասխանը):

Կանխավ շնորհակալ եմ:

ԻԱԿ իրավաբան

Գեորգ Հայրապետյան